

**Nr. 2505/035 K (e-k) Prot.**  
**Tiranë, më datë 02/05/2025**

**Drejtuar:** Komisionit Qendror të Zgjedhjeve  
Komisionerit Shtetëror të Zgjedhjeve  
Z. Ilirjan CELIBASHI

**Lënda:** **DENONCIM Nr. 21** – Lidhur me  
postimet me karakter partiak dhe  
elektoral në faqet zyrtare të Kryetares së  
Kuvendit dhe Kryeministrit të  
Shqipërisë, për qëllime elektorale në  
përfitim të Subjektit Zgjedhor “Partia  
Socialiste e Shqipërisë”.

**I nderuar z. Komisioner!**

**Të nderuar Drejtues të Administratës së KQZ-së!**

KRIIK ka theksuar vazhdimisht se faqet zyrtare në rrjetet sociale të Institucioneve Publike dhe Drejtuesve të tyre duhet të trajtohen me të njëjtën rëndësi dhe t’u nënshtrohen të njëjtave rregulla si dhe faqet zyrtare të internetit të këtyre institucioneve.

Këto faqe janë tashmë pjesë e pandashme e komunikimit institucional dhe nuk mund të konsiderohen si hapësira private apo të pambikëqyrura, për shkak të ndikimit që kanë në formësimin e perceptimit publik dhe transparencën e veprimtarisë institucionale.

Për më tepër, duke qenë se rrjetet sociale kanë një audiencë shumë më të gjerë e më të larmishme se kanalet tradicionale, dhe si të tilla përdoren gjerësisht nga qytetarët si burim informacioni dhe ndërveprimi me institucionet, **përdorimi i tyre nga funksionarët publikë duhet të jetë i përmbytur dhe rreptësisht institucional.**

Komunikimi përmes këtyre platformave nuk mund të jetë një përzierje e mesazheve politike partiake dhe atyre institucionale, pasi kjo përbën një konfuzion të qëllimshëm mes funksioneve e autoritetit të shtetit dhe qëllimeve partiake të subjektit politik që përfaqëson zyrtari.

Edhe pse kuadri ligjor nuk e përcakton në mënyrë eksplicite statusin e rrjeteve sociale si kanale zyrtare komunikimi, **parimi i ndarjes së partisë nga shteti**, i sanksionuar në standardet ndërkombëtare që Shqipëria ka pranuar, **e bën të papranueshme përdorimin e platformave me përmbajtje institucionale** për propagandë politike.

Ky është një veprim që **cënon barazinë e subjekteve zgjedhore dhe deformon informacionin publik**, duke i dhënë avantazh të padrejtë aktorëve në pushtet.

Në këtë kontekst, **KRIIK vlerëson pozitivisht miratimin e aktit nënligjor nga Komisioneri Shtetëror i Zgjedhjeve, konkretisht Vendimi nr. 240, datë 04.03.2025**, “Për rregullat e përdorimit dhe komunikimit në rrjetet sociale dhe median online nga institucionet publike dhe funksionarët publikë në zgjedhje”.

**Address:**

Rr. "Ymer Kurti",  
Nd.4, H.2, Ap.3,  
Nj.Adm.5,  
Tirana

**Mailingaddress:**

P.O.Box. 2396  
Tirana, 1001,  
Albania

Në gjykimin e KRIIK, ky vendim përfaqëson një hap të rëndësishëm drejt normimit të përdorimit të rrjeteve sociale nga funksionarët publikë dhe subjektet zgjedhore, dhe **kufizon**, për aq sa është e mundur brenda kuadrit ligjor ekzistues, **përdorimin e burimeve publike për avantazh elektoral**.

Ndër të tjera, vendimi përcakton, deri në njëfarë mase, llogarinë në rrjetet sociale të funksionarit publik, dhe **vendos detyrime në lidhje me çfarë mund dhe nuk mund të postohet në këto llogari**, duke ndaluar postimet me përmbajtje politike apo partiake në to.

Ky vendim është në përputhje me standardet ndërkombëtare dhe ndihmon në ruajtjen e **ndarjes së funksioneve publike nga aktivitetet elektorale**, duke përforcuar neutralitetin institucional gjatë proceseve zgjedhore.

Konkretisht pika 1 e Vendimit nr. 240, datë 04.03.2025, përcakton se: “1. Llogari zyrtare në rrjetet sociale është llogaria që është hapur dhe **përdoret nga funksionari publik për shkak të detyrës që kryen, e cila përmban emrin e institucionit dhe funksionin publik**, si dhe llogaria që është hapur dhe përdoret nga institucioni publik përkatës, përdorimi dhe përditësimi i së cilës bëhet nga strukturat përkatëse për median dhe informimin në këtë institucion. Nuk përfshihen në këtë përkufizim llogaritë personale dhe adresat në rrjetet sociale, të cilat përmbajnë vetëm emrin dhe mbiemrin e funksionarit publik **dhe nuk lidhen me funksionin publik të tij**”. (i plotë vendimi gjendet në Lidhjen nr. 2, për shkak të mungesës së link-ut në faqen e internetit të KQZ-së).

Ndërkohë në nenin 2 parashikohet se: “*Funksionarët publikë të çdo niveli **nuk mund të përdorin direkt ose indirekt llogaritë e tyre zyrtare në rrjetet sociale për qëllime partiake apo elektorale**. Pasqyrimi i veprimtarive partiake dhe elektorale lejohet vetëm në llogaritë personale në këto rrjete*”.

Ndërsa në nenin 4 të tij përcaktohet se: “*Ndalohej pasqyrimi i veprimtarive politike dhe elektorale, si dhe postimi i mesazheve elektorale në faqet zyrtare të internetit, në rrjetet sociale të institucionit publik dhe në ato zyrtare të vetë funksionarit publik*”.

KRIIK ka monitoruar llogaritë në media sociale të disa prej funksionarëve të lartë shtetërorë, konkretisht të Kryetares së Kuvendit dhe të Kryeministrit të Shqipërisë.

Konstatohet se Kryetarja e Kuvendit dhe Kryeministri kanë në përdorim llogari zyrtare në rrjetet sociale, të cilat janë në shkelje të Vendimit të KSHZ nr. 240 pasi **përmbajnë emrin e institucionit dhe funksionin publik**, ndërkohë që postojnë si aktivitetin e tyre institucional, ashtu edhe atë partiak e elektoral, i cili lidhet drejtpërdrejt dhe është në përfitim të Subjektit Zgjedhor “Partia Socialiste e Shqipërisë”.

#### Konkretisht:

1. [Faqja zyrtare](#) në Facebook e Kryetares së Kuvendit, SH.S.Znj. Elisa Spiropali.

Në këtë faqe është cituar **funksioni i znj. Spiropali**: “Kryetare e Kuvendit të Shqipërisë | Speaker of the Parliament of Albania”.

Kjo faqe është publike dhe përmban edhe **emrin e institucionit publik** “[parlament.al](#)”.

#### Address:

Rr. "Ymer Kurti",  
Nd.4, H.2, Ap.3,  
Nj.Adm.5,  
Tirana

#### Mailingaddress:

P.O.Box. 2396  
Tirana, 1001,  
Albania

**Karakteri i postimeve në këtë faqe është i përzier me aktivitete të karakterit institucional** të funksionit publik si Kryetare e Kuvendit të Shqipërisë, si dhe me **aktivitete të shumta të karakterit politik** e elektoral si Kandidate për Deputete, si Drejtuese Politike e PS-së për Qarkun e Tiranës, si dhe ndarje të postimeve të Subjektit Zgjedhor “Partia Socialiste e Shqipërisë”.

Referuar Seksionit “Transparenca” të kësaj faqeje, ajo mirëmbahet nga dhe “ka tre administratorë”.

Nuk ka informacion nëse këta persona janë nga stafi i Kuvendit, apo janë njerëz të punësuar privatisht nga znj. Spiropali. (shih pikën 1.1. në Lidhjen nr. 1).

Gjithashtu theksohet se edhe faqja zyrtare [elisa.spiropali](#) në instagram ka të njëjtën përmbajtje e problematikë.

## 2. [Faqja zyrtare](#) në Facebook e Kryeministrit, SH.T.Z. Edi Rama.

Kjo faqe është publike dhe në të është cituar **funksioni publik i z. Rama** “Kryeministër i Republikës së Shqipërisë prej Shtatorit 2013”.

**Karakteri i postimeve në këtë faqe është i përzier me aktivitete të karakterit institucional** të funksionit publik si Kryeministër i Shqipërisë, si dhe me **aktivitete të karakterit politik** si kryetar i Partisë Socialiste, kandidat për Deputet, si dhe postime të Subjektit Zgjedhor “Partia Socialiste e Shqipërisë”.

Referuar Seksionit “Transparenca” të kësaj faqeje, ajo mirëmbahet nga dhe “ka 17 administratorë”.

Nuk ka informacion nëse këta persona janë nga stafi i Kryeministrit, apo janë njerëz të punësuar privatisht nga Partia Socialiste. (shih pikën 1.2. në Lidhjen nr. 1).

Gjithashtu, theksohet se edhe faqet zyrtare:

- [ediramaal](#) në Instagram;
- [Edi Rama](#) në platformën X;
- [Edi Rama](#) në kanalin Youtube,

kanë të njëjtën përmbajtje e problematikë.

Në gjykimin e KRIIK, këto Faqe në rrjetet sociale janë Faqe Zyrtare të Funkionarëve të Lartë Publikë, në të cilat është bërë pasqyrimi i veprimtarive politike dhe elektorale, si dhe postimi i mesazheve elektorale, krahas pasqyrimit të aktiviteteve institucionale, duke iu dhënë këtyre të fundit meritë partiake e elektorale, në favor dhe përfitim të drejtëpërdrejtë të Subjektit Zgjedhor “Partia Socialiste e Shqipërisë”.

Kjo veprimtari përbën shpërdorim të funksionit publik, të autoritetit shtetëror, si dhe përdorim të aseteve institucionale, burimeve njerëzore e financiare të tij, ndërkohë që shënjon edhe cënimin ndjeshëm të barazisë së garës elektorale.

KRIIK shpreh shqetësimin se përpos përfitimeve të drejtëpërdrejta elektorale, kjo sjellje është një model tejet negativ dhe një sfidë ndaj ligjit, ndërkohë që Vendimi nr. 240 ka

#### Address:

Rr. "Ymer Kurti",  
Nd.4, H.2, Ap.3,  
Nj.Adm.5,  
Tirana

#### Mailingaddress:

P.O.Box. 2396  
Tirana, 1001,  
Albania

gati dy muaj që është miratuar përfshirë dakordësinë e dy partive më të mëdha, Partisë Socialiste dhe Partisë Demokratike.

Lidhur me gjithë sa më sipër, **KRIIK nxit KQZ-në t'i marrë në shqyrtim këto Denoncime** e procedojë sipas parashikimeve ligjore **për të sanksionuar Kryetaren e Kuvendit dhe Kryeministrin** bazuar në parashikimet e nenit 171, pika 1 të Kodit Zgjedhor, si dhe Subjektin Zgjedhor **“Partia Socialiste e Shqipërisë”, si përfituese e drejtëpërdrejtë e këtyre shkeljeve të përsëritura**, bazuar në nenin 172 të Kodit Zgjedhor.

Në përfundim, **KRIIK nxit KQZ-në që t'i bëjë thirrje urgjente të gjithë funksionarëve publikë që të sjellin konform ligjit llogaritë e tyre zyrtare dhe ato personale** në rrjetet sociale për ditët e mbetura të fushatës, por edhe më tej.

Publikimi i aktiviteteve dhe mesazheve politike e elektorale **të bëhet vetëm në llogaritë personale të funksionarit publik**, ashtu sikurse aktivitetet dhe mesazhet institucionale duhet **të publikohen vetëm në llogaritë zyrtare të funksionarëve publikë** dhe të institucionit.

**Duke ju falënderuar për mirëkuptimin dhe bashkëpunimin në vazhdimësi,**

**Me konsideratë,**

**Për Koalicionin Për Reforma, Integrim  
dhe Institucione të Konsoliduara (KRIIK)**

**Premto Gogo  
Kryetar**

Address:

Rr. "Ymer Kurti",  
Nd.4, H.2, Ap.3,  
Nj.Adm.5,  
Tirana

Mailingaddress:

P.O.Box. 2396  
Tirana, 1001,  
Albania

## **LIDHJA NR. 1:** Postime me përmbajtje partiake në faqet zyrtare të Kryetares së Kuvendit të Shqipërisë dhe Kryeministrit të Shqipërisë .

### **1.1.** Faqet Zyrtare në rrjetet sociale të Kryetares së Kuvendit, SH.S.Znj. Elisa Spiropali dhe disa nga postimet e shumta me karakter partiak e elektoral.

#### **1.1.1.** [Faqja zyrtare](#) në Facebook:






#### **Address:**

Rr. "Ymer Kurti",  
Nd.4, H.2, Ap.3,  
Nj.Adm.5,  
Tirana

#### **Mailingaddress:**

P.O.Box. 2396  
Tirana, 1001,  
Albania






Address:

Rr. "Ymer Kurti",  
Nd.4, H.2, Ap.3,  
Nj.Adm.5,  
Tirana

Mailingaddress:

P.O.Box. 2396  
Tirana, 1001,  
Albania




Address:


Rr. "Ymer Kurti",  
Nd.4, H.2, Ap.3,  
Nj.Adm.5,  
Tirana

Mailingaddress:

P.O.Box. 2396  
Tirana, 1001,  
Albania



### 1.1.2. Faqja Zyrtare në Instagram:



#### Address:


Rr. "Ymer Kurti",  
Nd.4, H.2, Ap.3,  
Nj.Adm.5,  
Tirana

#### Mailingaddress:

P.O.Box. 2396  
Tirana, 1001,  
Albania

## 1.2. Faqet Zyrtare në rrjetet sociale të Kryeministrit, SH.T.Z. Edi Rama dhe disa nga postimet e shumta me karakter partiak e elektoral.

### 1.2.1. [Faqja zyrtare](#) në Facebook:





#### Address:

Rr. "Ymer Kurti",  
Nd.4, H.2, Ap.3,  
Nj.Adm.5,  
Tirana

#### Mailingaddress:

P.O.Box. 2396  
Tirana, 1001,  
Albania





Address:

Rr. "Ymer Kurti",  
Nd.4, H.2, Ap.3,  
Nj.Adm.5,  
Tirana

Mailingaddress:

P.O.Box. 2396  
Tirana, 1001,  
Albania




Address:


Rr. "Ymer Kurti",  
Nd.4, H.2, Ap.3,  
Nj.Adm.5,  
Tirana

Mailingaddress:

P.O.Box. 2396  
Tirana, 1001,  
Albania



## 1.2.2. [Faqja Zyrtare](#) në Instagram:




### Address:

Rr. "Ymer Kurti",  
Nd.4, H.2, Ap.3,  
Nj.Adm.5,  
Tirana


### Mailingaddress:

P.O.Box. 2396  
Tirana, 1001,  
Albania

### 1.2.3. [Faqja Zyrtare](#) në Platformën X:



### 1.2.4. [Faqja Zyrtare](#) në Youtube:



#### Address:

Rr. "Ymer Kurti",  
Nd.4, H.2, Ap.3,  
Nj.Adm.5,  
Tirana

#### Mailingaddress:

P.O.Box. 2396  
Tirana, 1001,  
Albania

## **LIDHJA NR. 2.**

**Vendimi nr. 240, datë 04.03.2025 i Komisionerit Shtetëror i Zgjedhjeve** “Për rregullat e përdorimit dhe komunikimit në rrjetet sociale dhe median online nga institucionet publike dhe funksionarët publikë në zgjedhje”.

Data: 4.3.2025

Nr: 240

Ora: 11:00

### **VENDIM**

### **PËR**

### **RREGULLAT E PËRDORIMIT DHE KOMUNIKIMIT NË RRJETET SOCIALE DHE MEDIAN ONLINE NGA INSTITUCIONET PUBLIKE DHE FUNKSIONARËT PUBLIKË NË ZGJEDHJE**

Në mbështetje të nenit 19, pika 1, shkronjat “dh” e “n”, dhe pika 2, të ligjit nr. 10 019, datë 29.12.2008 “Kodi Zgjedhor i Republikës së Shqipërisë”, i ndryshuar,

### **V E N D O S :**

1. Llogari zyrtare në rrjetet sociale është llogaria që është hapur dhe përdoret nga funksionari publik për shkak të detyrës që kryen, e cila përmban emrin e institucionit dhe funksionin publik, si dhe llogaria që është hapur dhe përdoret nga institucioni publik përkatës, përdorimi dhe përditësimi i së cilës bëhet nga strukturat përkatëse për median dhe informimin në këtë institucion. Nuk përfshihen në këtë përkufizim llogaritë personale dhe adresat në rrjetet sociale, të cilat përmbajnë vetëm emrin dhe mbiemrin e funksionarit publik dhe nuk lidhen me funksionin publik të tij.
2. Funksionarët publikë të çdo niveli nuk mund të përdorin direkt ose indirekt llogaritë e tyre zyrtare në rrjetet sociale për qëllime partiake apo elektorale. Pasqyrimi i veprimtarive partiake dhe elektorale lejohet vetëm në llogaritë personale në këto rrjete.
3. Ndalohej pasqyrimi i veprimtarive të ndaluara në rrjetet sociale të institucionit publik, si dhe në ato zyrtare të funksionarit publik.
4. Ndalohej pasqyrimi i veprimtarive politike dhe elektorale, si dhe postimi i mesazheve elektorale në faqet zyrtare të internetit, në rrjetet sociale të institucionit publik dhe në ato zyrtare të vetë funksionarit publik.
5. Ky vendim hyn në fuqi menjëherë dhe publikohet në faqen zyrtare të internetit të Komisionit Qendror të Zgjedhjeve.

Data: 4.3.2025 Nr: 240  
Ora: 11:00



“Për rregullat e përdorimit dhe komunikimit në rrjetet sociale dhe median online nga institucionet publike dhe funksionarët publikë në zgjedhje”

1

#### Address:

Rr. "Ymer Kurti",  
Nd.4, H.2, Ap.3,  
Nj.Adm.5,  
Tirana

#### Mailingaddress:

P.O.Box. 2396  
Tirana, 1001,  
Albania